

立杜賣盡根田契字人林恒茂，有承祖父遺下明買黃倫、黃仁等水田壹所共四段，坐落土名大甲東庄後湖，山腳湳仔。第壹段址在湳仔，丈明陸分肆厘，東至林家田爲界，西至林家田爲界，南至山坪爲界，北至大水溝爲界，年配副通事大租谷肆石捌斗參升貳合正。又田壹所分作參段，址在大甲東庄後湖，經丈伍甲捌分，其田壹段柒分，東至林家田爲界，西至林家田爲界，南至大溝爲界，北至林家田爲界，帶山坪腳泉空水灌足。又田壹段壹甲叁分，東至黃家田爲界，西至車路爲界，南至埔爲界，北至山爲界，帶甲三埤內水分灌溉充足。又田壹段叁甲捌分，東至林家田爲界，西至埤爲界，南至陳家田爲界，北至埔爲界，帶大圳溝水及王家田內泉水二空在內灌足，並帶魚池壹口、稻埕等項，年納大甲東社正供口糧肆拾陸石肆斗正。今因乏銀別置，欲將此式處水田共四段及魚池、稻埕等項盡行出賣斷根，先問房親人等不欲承受，外托中引就賴阿仁、黃許配出首承買，當日仝中三面言議時值杜賣盡根田價銀貳仟肆佰元，柒平重壹仟陸佰捌拾兩正。其銀即日仝中照數交收足訖，隨將此式處水田共四段及稻埕等項，踏明界址，交付銀主前去掌管，收租納課，永爲己業。自此一賣盡根，寸土無留，日後茂及各房子孫人等不敢言湊洗，亦不敢妄生覬覦藉端滋事。保此水田及魚池等項，係茂承祖父遺下物業，與房親人等無干，亦無重張典掛他人財物及上手交加來歷不明爲碍。如有不明等情，茂自應出首一力抵當，不干買主之事。此係現銀足價，仁義交關，二比甘愿，各無反悔。恐口無憑，立杜賣盡根田契字壹紙，並帶黃倫、黃仁賣印契連司單壹紙，又繳林志聰歸管字壹紙，共參紙，付執爲炤。

即日仝中親收過杜賣盡根田契字內佛銀貳仟肆佰元，柒平重壹仟陸佰捌拾兩正足訖。炤。

批明：另帶大甲東庄內厝地壹所，東至車路，西至黃家厝滴水，南至公館地，北至車路，踏明界址，並交銀主前去執管。合應批明。再炤。

批明：此田經作參份均分，配出田價銀壹仟陸佰元應得水田等項貳份，仁出田價銀捌佰元應得水田等項壹份。合應批明。再炤。

代筆人 莊維杯 (花押)

林貴春 (花押)

為中人 黃奕玖 (花押)

羅祥 (花押)

在場當事人 林 秋亭 (花押)

若村 (花押)

光緒拾年拾貳月

日立杜賣畫根田契字人林恒茂 (花押)

